

史

詠

詩

集

徐見心先生史詠序

見心史詠始周威烈王訖於五季凡一千五百三十首
先師之執友見心先生徐公所作也昔侍函丈間嘗聞
先生學優而聞多慨然有□於□□取通鑑所載君相
諸臣疏其為人大較相與商畧既定其得失從而長言
之名之曰史詠其義深有功於名教云用是敬慕欲一
見不可得今年春先生之仲子津抱其書二三冊而來
既躬覽而識其概竊惟書詩春秋皆紀事之文也二百

四十二年之事權其輕重筆則筆削則削善善惡惡之意白矣書道帝王之政故獨取其善詩雖咏歌之文然被諸管絃傳在人口皆策書所載者况聖人所刪定美刺尤章章亦史之類耳大雅不作王風下降絕筆於獲麟秦漢以還史家類善惡具載莫能予奪無復詩書春秋之遺意蓋彼無精審之權度務成一家之書雜然紀次欲使後之覽者知所自擇固致謹之意也然史所以彰善瘴惡尚論古今人物苟不能推見至隱誅姦諛之

意發潛德之光使是非不謬於道猶為立言以詔後乎
此史詠所以作也今觀是詩分類立名已凜凜乎大義
如孟子鄒衍史記同傳今則別諸子於諸儒登豫讓於
節義之首名曹丕父子無異於諸臣又如謂漢高為義
帝發喪而宴樂於彭城孝文惜露臺之百金而不愛銅
山之巨萬光武之量不及伯升昭烈之賢過於光武邵
陵厲公高貴鄉公本非凡主特迫於大權之已移若此
者皆微顯闡幽之意協之於音韻播之於聲歌殆將使

人詠之繹之自興起其善善惡惡之意於詩書春秋之
遺法蓋一舉而兼得矣不圖衰老獲遂夙心猶以不見
全書不能盡知先生之論為有餘憾然以類推他亦從
可識矣故書而歸之先生諱鈞字秉國見心其自號隱
德弗仕娶之蘭谿章林人嘗

元至順三年正月二十九日後學金華許謙序

史詠詩集上卷

蘭谿見心徐 鈞東國著

周

人君

威烈王

大柄潛移勢可憂
朝綱未正况諸侯
時人只咎輕分晉
不道東西已剖周

安王

名器君司戒妄求倖門一啓國深憂請看三晉叨封後
便有田齊亦效尤

烈王

齊為沽名特覲王當時國勢豈真強計來小緩庸何責
引得無君醜語揚

顯王

國微地蹙政無綱其奈嬴秦勢日強遣昨已非仍入賀
却因致霸遽稱王

諸侯王

三晉

二百年餘主夏盟尊攘事業古無倫若非剖一為三後
未必與圖盡入秦

魏文侯

聞道西河久服從陶成國治藹文風政緣餘澤沾洙泗
比似羣侯故不同

韓昭侯

散袴囊中猶惜予高門旱後忽興工如何奢儉初終異
一相存亡事不同

齊威王

賞罰嚴明國富強獨能仗義一朝王周網此日微如髮
獨有人心理未亡

魏惠王

鞅已歸秦贖入齊有才不用孰持危後來醫國非無藥
仁義良方惜不施

趙武靈王

宗周削弱列侯強僭擬誰知有陞堂獨有武靈知大節
稱君已足不稱王

齊宣王

鼓鐘苑囿樂如何貨色貪淫勇更多伐國交鄰徒屢問
用賢曾不到鄒軻

燕昭王

嘗膽深思報復來經綸須仗出群才
讐齊一掃如風葉

只為黃金早築臺

諸儒

卜子夏

宣尼生不到西河聖化難沾缺望多商也天教生獨晚
為分一脉闡文科

田子方

君侯坐問所從誰極口惟談順子奇可嘆今人多不讓
始知無擇解稱師

段干木

踰垣走避見難通閭式君侯禮謾隆一點高風真可畏
解令敵國不興戎

孟軻

戰國誰能識道真故將性善覺生民七篇切切言仁義
功利場中有此人

諸子

荀卿

老廢蘭陵已可悲著書強欲曉當時一言性惡真成繆
讀者何云但小疵

屈原

托興妃嬪疑褻媢幻言神怪似荒唐若無一點精忠節
未必文爭日月光

刑名

銜鞅

心術刑名太刻殘網深文峻衆心寒倉忙客舍無歸處

始悔當年法欠寬

申不害

相國終身保治平不同非鞅死刑名只緣用志能卑遜
縱曰傷殘亦覺輕

韓非

見書恨不見斯人見後翻令自殺身畢竟立心多慘刻
少恩莫怨虎狼秦

從橫

鬼谷子

蒼頡書成能哭鬼不知鬼谷事如何儀秦尚學先生術料得先生術更多

蘇秦

本圖富貴快心期謾借從親說便宜五國攻秦齊不至客卿正是在齊時

張儀

再攻再相梁不悟六百六里楚云何蘇秦反覆何須道

反覆如君事更多

兵家

吳起

兵書司馬足齊名盟母戕妻亦駭聞主少國疑身不免
先知已自服田文

孫臏

百年家學妙兵機知彼猶憐己未知絕愛竒功成砍樹
何緣衛足不如葵

廉頗

遺矢譏言棄老成
肉多飯徒尚精神
可憐一點狐邱志
到死猶能用趙臣

李牧

良將身亡趙亦亡
百年遺恨一馮唐
當時不受繞臣間
呂政何由返故鄉

樂毅

七十城收一笑間
當時氣勢擅強燕
區區莒墨何難下

自是君王不永年

田單

鼓譟奔牛亦壯哉一城力挽衆城回誰知辟土明封賞
即墨曾經培養來

趙奢

北山據險最能兵中外俱聞馬服名滿謂將門還出將
不知有子誤長平

趙括

少年輕銳喜談兵
父學雖傳術未精
一敗誰能逃母料
可憐四十萬蒼生

人物

蘭相如

岳擎何分秦勝負
壁還不係趙存亡
最憐恃勇偏輕舉
直挾君王冒虎狼

郭隗

國主張羅網異材
一言隗始自為媒
他年能下齊城者

知自千金市骨來

孟嘗君

誕當五月命於天
齊戶風謔恐未然
若使當時真不舉
吾門安得客三千

平原君

謝屣雖云禮意恭
平生結客竟何功
不知他日邯鄲警
獨有捐軀一李同

春申君

輪忠世子得逃秦二十餘年相國榮固位但知迷孕女
防身惜不用朱英

毛遂

一立談間定合從真能脫穎出囊中當時若顧呈身耻
餘子紛紛亦罔功

信陵君

侯朱決計全危趙毛薛謀歸保大梁得士信知明效速
□□□□國存亡

節義

豫讓

君侯待我異中行宗祀何期遽覆亡一死誰言無所為
主知深處自難忘

魯仲連

布衣不肯帝強秦天下皆聞高士名何事勸降輕守節
一書飛矢入聊城

刺客

聶政

為母辭金義且仁却甘為盜忍輕生若非有姊揚風烈
千古誰知壯士名

燕丹

急着無如救趙危遠從楚魏近從齊田光老繆翻成錯
匕首咸陽策最低

荆軻

獨憾荆卿劍術疎虎狼到手不能除何如博浪揮椎者

遠擊猶能中副車

秦

人君

始皇

三山有藥身旋死萬世無期祚竟亡速死趨亡皆自取
鮑魚繞馱火咸陽

人臣

白起

夏書集
十一
投降趙卒本求生坑後誰人不死爭三召三辭寧自刎
邯鄲料不再長平

范雎

綈袍戀戀亦何為相國難忘簀卷尸有怨必酬恩必報
憑君說與魏齊知

呂不韋

謀立儲君進孕姬巨商販鬻巧觀時十年富貴隨輕履
奇貨元來禍更奇

嫪毐

詐腐為閹幾十春朝歡暮狎寵無倫休分長信并文信
假父如今又象真

李斯

燃除六籍忍坑儒本欲愚人卒自愚若使當時甘被逐
東門牽犬嘆應無

坑儒四百六十餘人

焚坑相距一年間何事遲遲未出關萬里冥鴻羅網外

料應禍不到商山

趙高

閹奴久矣擅秦權
鹿馬欺君亦勢然
輒向望夷行弑逆
此身不殺是無天

項羽

猴冠不肯王關中
衣錦思歸意氣雄
一曲虞歌數行淚
懸知無面見江東

范增

項王暴不減強秦一語箴規總未聞白首尚嫌君不忍
料知增更忍於君

虞美人

帳下悲歌勢已孤美人忠憤慨捐軀山河莫道全歸漢
墓草青青尚姓虞

西漢

人君

漢高祖

商后誓師因毫衆周王致業述豳風不階尺土一人柄
誰似皮冠一沛公

武帝

一曲秋風已悔心此機開導竟無人後來不下輪臺詔
躡武求仙又一秦

后妃

吕后

父識英雄塚沛公家因驕橫血兵鋒始知善相元非善

不是興宗是覆宗

孝武陳皇后

阿嬌寵極愛還衰何用黃金買賦為覆水欲收寧復得
此情惟有謫仙知

鈞弋夫人

名門堯母將傳嗣取鑑呂皇預殺身燕翼貽謀宜有道
如何知義不知仁

王昭君

畫工雖巧豈堪憑妍醜何如一見真自是君王先錯計
愛將耳目寄他人

人臣

張良

博浪椎揮四海驚虎狼雖暴已無秦興劉滅項猶餘事
豈是蕭韓行輩人

蕭何

相國人誇佐沛公收圖運餉守關中不知用蜀為根本

此是興王第一功

項伯

霸上孤軍勢莫支
鴻門一劍事尤危
射陽不與留侯舊
楚漢興亡未可知

陳平

生平多智足興劉
竒秘終貽正大羞
若使托孤權獨任
未知誅呂若為謀

郿食其

掉舌降齊七十城休因掩襲恨遭烹淮陰請假終基禍
得似高梁數世榮

紀信

誑楚言降樂受烹重圍得脫漢基成論封無爵死無傳
幸有唐碑為發明

樊噲

后黨興戎霧已成龍髯忽墮幸逃生不於呂禍身先死
未必終能保令名

周勃

功成無罪付廷平借援東朝始得生若使當時逢呂后
誅夷又是一韓彭

滕公

日奉車音語易親朱奴立受再生恩淮陰元是公全活
未着何妨更一言

王陵

抗議爭封獨犯顏周陳只合共持難若能堅守長陵約

不但劉安呂亦安

周昌

廷爭廢嫡見拵持故仗剛強托愛兒三召歸來竟無語
此時何不更期期

叔孫通

秦府藏書熟見聞三王遺意可追尋如何綿叢因秦陋
古禮淪亡恨到今

陸賈

溺冠騎項不知儒馬上功成習未除新語見稱應有意
當時人未說詩書

四皓

避亂商山且茹芝遽因厚幣起幽棲母強子弱旣危漢
悔殺先生一出低

季布

一諾千金漢重臣平生恩力報何曾朱家不德人傳美
殊愧張蒼父事陵

賈誼

年少女庸毀洛陽才高慮遠策深長如何宣室成虛問
繞傳長沙又傳梁

周亞夫

削平吳楚大功成一旦生疑觸怒寔自是君王多任刻
非闕許負相書靈

董仲舒

三策前陳語漫詳外逸一再相驕王惟餘正誼兼明道

此傳流傳萬古香

李陵

名將生降負已知
喪師辱國死猶遲
河梁羞與子卿別
攜手空餘五字詩

蘇武

胡沙不隔漢家天
一節堅持十九年
白首微官甘屬國
耻隨李衛老戎旃

司馬相如

賣賦名成賣酒餘歸來駟馬擁高車錦衣只欲湔前恥
不道開邊困里閭

文君

修眉橫映遠山青却寄芳心一曲琴可惜相如今病渴
薄情猶賦白頭吟

朱買臣

長歌負擔久栖栖一旦高車守會稽衣錦還鄉成底事
只將富貴耀前妻

兒寬

射策明經亦巨儒
巧迎封禪意何如
相如未死猶知耻
却了相如死後書

夏侯勝

精推洪範罰常陰
一語知兇聳在廷
却道取青如拾芥
是貪利祿始明經

龔遂

帶牛佩犢俗難平
喜得公來便息兵
最是有功能不伐

東詞集
二十六
君前猶自遜王生

劉向

忠言歷歷總成虛二十餘年列大夫未死已知他日禍
此身幸不見新都

韋賢子元成

遺金何得似傳經爵讓難兄風感深卒使淮陽謀遂寢
潛消一點廢儲心

鄭子真

棲遲鄭國一癯仙
不被人知四十年
谷口躬耕時未久
京師何事忽爭傳

揚雄

眼看漢室已新都
天祿讎書尚自愚
聞說草元堪擬易
曾將進退一占無

後漢

人君

更始

三精霧塞未能收諸將俄興翼戴謀誰謂庸才能戮莽
人心畢竟尚思劉

光武

功成論道息干戈武將森森學問多養得文風名節盛
自三代下莫能過

明帝

大學師儒多講論東平禮樂正脩明不知佛法緣何入
却向斯時教大行

章帝

積威仁意漸無存寬厚真能固本根只恨涵容傷大過
養成外戚擅權門

獻帝

卓操餘凶事可知空臨南面竟何為奔馳關洛還還許
終作奸雄盜取資

諸王

劉盆子

東晉書上
操符未識君為貴解璽方知盜可羞絳服大冠真主出
不先肉袒更何求

東平憲王蒼

重脩禮樂佐文明樂善終能保令名兩漢賢王誰與並
河間以後便東平

人臣

鄧禹

久從遊學識英雄杖策南來見畧同首建雄謀恢漢業

雲臺端合議元功

寇恂

王郎百萬肆憑陵誰集漁陽上谷兵一剪妖氛河北定
中興從此創基成

馮異

舊是起兵時主簿今為大樹下將軍若看勸帝施恩語
何獨區區戰伐勳

岑彭

兩驟風馳善用兵
公孫擊地嘆如神
如何壁壘踈防夜
已悟彭亡竟殞身

賈復

驍勇稱奇賜左駢
潰圍解急敵心寒
卒能剝甲敦儒學
可作尋常武將看

吳漢

智謀勇畧已過人
况擁幽州突騎兵
拉朽摧枯功盖世
可令縱掠損威名

耿弇

馳召蕭王命罷兵獻謀
懷貳見尤明平齊定趙
基圖壯有志方知事竟成

臧宮

雷掃風駭寇已平
雄心又向幕南庭
君王自守苞桑戒
不侈邊功紀汗青

姚期

犯顏不但有邊功
警蹕前呼脫難中
喪服三年移薄俗

因知能孝始能忠

王霸

寇迫兵單路已窮
河冰偶合片言中
但令有道蒙天助
阻水猶圖背水功

祭遵

執法嚴明凜不阿
西征北討戰功多
更將俎豆文軍旅
不廢投壺與雅歌

任光

河兵已渡迫饑寒道路奔馳正急難不是信都同助順
王郎未必死邯鄲

邳彤

兵連二郡可成功何事思歸怯戰攻決策南征河北定
興邦只在一言中

劉植

匹夫愛國獻昌城力說劉揚十萬兵顛沛單車良得助
邯鄲假意不難平

耿純

行兵不與衆人同已決英雄一見中
舉族同心能效順
得君何憚不成功

朱祐

萬死逃生陷敵回功能掩過亦良才
君恩不是南陽舊
事業多從講學來

景丹

領兵赴難共成名良為吾來事可成
終把故鄉旌異賞

肯令衣錦向宵行

王梁

台輔尊賢匪報功况因符命策司空平生只為耽言讖
待此登庸恐未公

蓋延

力挽強弓數百勛兵鋒到處策奇勲可憐輕敵多深入
不似君王善料軍

陳俊

拒戰交兵勇有餘旁人驚嘆更誰如肅清海岱勲名立
不負劉嘉一薦書

杜茂

力不能禪闕野龍僅於北鄙有邊功
蠅隨驥尾猶千里也得依名四七中

馬成

保塞平淮亦效勤當時佐命幾元臣
不知誰紊雲臺次却作中興第二人

馬援

還書萬里誠諸郎毀譽翻成悞季良說道謹言元不謹
謗招惹茲亦堪傷

宋宏

淫色繁聲已力排義存夫婦豈容乖君王莫作圖婚想
未問懸知事不諧

嚴光

故人風誼可能忘辭祿無嫌故態狂仁義一言非小補

此身何必佐巖廊

桓譚

力排讖緯本非經言直多因見理明却憾臨危無定守
倉皇叩地苦求生

郭伋

安邊治郡藹仁風竹馬歡呼迎送中愷悌真為民父母
懷恩何處不兒童

董宣

彈擊京畿已五期一廉始嘆蓋棺時
君王萬里猶明見
近有斯人却未知

劉昆

於菟渡水火回烟異事情知出偶然
若謂嘉祥關德政
後無可繼是誣天

班固

網羅一代史編成得失忠邪已熟評
往鑒在前渾不顧
却依戚黨倖功名

班超

人生適意在家山萬里封侯老未還
燕領虎頭成底事但求生入玉門關

黃香

無雙天下蚤馳聲曾被君王一語榮
枕席溫涼遺信史發揮純孝賴淵明

吳祐

觀過知仁民不欺多因德化匪刑齊
片言一忤權臣意

拂袖歸來自灌畦

蘓章

國法已難私故人一杯縫綵豈真情不知直正奸貪罪
何必容心強立名

馬融

士迫饑寒已變初權門寧免曳長裾帳紗所學明何事
却陷忠良草奏書

胡廣

姜肱

畫手尚難圖我貌
安車何可屈吾身
惟餘爭死同衾事
千載稱為孝友人

陳蕃

身居一室尚凝塵
天下如何掃得清
須信脩齊可平治
絕憐志大竟無成

荀叔

家號八龍名父子
學傳二季好師生
風標想見當時少

况是閑居絕宦情

陳寔

世多揚激伯夷隘公獨謙虛下惠和
弔死自慚知己少
逃生却喜活人多

范滂

慨然攬轡志澄清一激誰知黨禍成
母子可憐終死別
庶幾廣孝在揚名

劉寵

門無吏擾夜安眠前守何如此守賢却是山民纏舊習
區區相送尚持錢

孟嘗

人心物意兩相關合浦明珠去尚還為國不知賢是寶
却令遁迹老空山

邊韶

寸晷分陰閑可惜糞墻朽木責非苛便便書腹貪眠晝
免得諸生笑誚麼

孔融

客滿尊中酒不空
眼高四海眇姦雄
才疎意廣終無就
已兆清虛西晉風

蔡邕

琴遇知音始可調
卓非善聽亦徒勞
早知應聘終罹禍
罪死何如節死高

楊脩

料事通神自一奇
姦雄如操已深疑
多言屢中真何補

一死由來自不知

王烈

竊牛尚恐彥方知德化鄉邦不拾遺若使此風推四海
盜窺神鼎亦羞為

列女

曹世叔妻班昭

存婦誰能似爾賢文章操行美俱全一編漢史何須續
女戒人間自可傳

董祀妻慕玉

此生已分老沙塵誰把黃金贖得身十八拍笳休憤切
須知薄命是佳人

史詠詩集上

史詠詩集下卷

蘭谿見心徐 鈞秉國著

續後漢

人君

昭烈帝

崎嶇蜀道謾三分勢去英雄挽不能若使人心似西漢
未輸光武獨中興

人臣

孔明

草廬初志漢重興
向洛趨秦擬策勲
芒角一星如未墜
不應天下只三分

曹魏孫吳

文帝

才輸十倍德何如
竊位稱尊啓帝圖
自料孔明非可敵
終身不敢瞰成都

陳思王植

任性何能勝矯情奪儲切勿怨無成阿丕縱享為君樂
得似文章千載名

大帝權

鼎峙東吳命世雄甘心俯受魏丕封炎劉已盡猶餘蜀
唇齒胡為反內攻

周瑜

一舉灰飛赤壁船託名助漢豈私權如何不放蛟龍兩
欲斷劉家一脉傳

晉

人君

武帝

上襲篡攘三世業下承丕祚本無功平吳獲竟男戎慮
不悟荒淫有女戎

后妃

賈后

弑姑殺子欲何為傷敗彝倫總不知禍亂晉朝誠在已

滅亡父族咎歸誰

覲后

淫奔何暇擇
猶薰牛馬相傳識
已云可怪奸道牛
姓種也來相繼馬為君

人臣

王祥

臥冰得鯉供親養
至孝誠能上格天
每信天人常昭合
應知容谷響聲傳

羊祜

平吳獻策了無遺饋藥人無鴆毒疑最是感人仁德厚
當時墮淚有遺碑

山濤

身心已逐竹林遊為國搜賢事却優持正擬□覘上意
事君可作不忠謀

王戎

清虛外托內營財手運牙籌亦富哉不料晉朝名位上

士風如是亦堪哀

阮籍

身負經綸濟世才時乎多故最堪哀
軍思遠害無他計
酣飲端為免禍謀

嵇康

臥龍並論恐非倫望重互為世所珍
天抵重名人敬仰
如何名重反傷身

向秀

心慕莊書善說元發明竒趣理昭然世人竊取公遺論
却把前言作已言

劉伶

宗尚無為學有原背違師訓亦安然至於身死便埋說
明犯莊書所戒言

阮咸

矯俗竿懸犢與禪幾非人道謾誇論却於竒律通精妙
制作新書今尚存

祖逖

慷慨才能立志堅
計謀端可定中原
晉元倘使圖經畧
事業韓彭可比肩

陶侃

蕩除國難功勳盛
王室因之得載安
最是南陵千里外
拾遺屏迹化尤難

溫嶠

剛腸出任豈徒然
須信天倫有後先
可怪絕裾違母事

傷哉遺恨後人傳

劉超

步侍車與幽厄中猶將古訓啓君衷
他時改墓懷瞻望可見當年授受功

陳頴

中華傾弊無他故習尚清談
出望門奏議救時翻見黜
搜揚隱逸更誰論

郭璞

博學多聞世所宗推占小術驗奇功人生禍福既前定
猶撰青囊啓後蒙

庾亮

戒君刻薄議申韓老子申韓豈二端橫勢始辭終復擅
異端每向遁辭看

庾冰

經綸外務設心忠好禮猶為世所崇儉約自無驕泰習
固權却有舊家風

庾翼

少有經綸濟世謀
拔温輕浩孰能儔
休言庾亮名居最
當在江東第一流

桓温

世有英明善治君
姦雄屈伏作能臣
盡忠於國人臣事
底事甘為跋扈人

謝安

高臥東山意豁如
端然笑咏只清虛
晉朝負荷伊誰力

堪嘆身亡國亦除

謝元

戰敗符堅百萬兵
晉家宗社賴而存
當時若使元猶在
國祚桓元未可吞

王羲之

人物風流世所推
操持議論每清奇
自量才位難牟弟
故乞餘年請代之

桓豁

以石名兒合讖言奇機端可破符堅信乎有志終成事
遂將誅丕豈偶然

桓伊

專利無厭世所憎君昏臣暗謗將興撫箏一曲開讒諛
臣泣君漸各自懲

張翰

曠達清才輕爵祿秋風繞動便思鱸此中杯酒一時樂
却道他時名不如

陶潛

公田種秫供朋酒三徑黃花手自栽爲朱折腰剛不就
翻然解印賦歸來

孟嘉

廣坐人中便識真德容言貌每相因龍山落帽相嘲論
引得文章壓世人

宋

人君

武帝

手滅燕秦固大勲
輒攘神器遽稱尊
向來曹馬雖云篡
猶避汚名付子孫

人臣

王宏

乃翁江左輔中興
忍助姦渠篡計成
黃菊白衣空送酒
可憐心事愧淵明

謝靈運

眼空朝市愛山林放浪登臨寄笑吟畢竟趨榮成異代
恥秦空口魯連心

謝元暉

歸舟雲樹句能工吟到澄江迥不同非是筆端多變態
如何人道有唐風

謝惠連

千里相思一段奇精交神契及心期池塘春草天然句
不夢此人無此詩

鮑照

生際河清獻頌文
尤工樂府麗春雲
人言才盡何曾盡
深恐名高上忤君

齊

人君

高帝

土能生物有深功
金價何如可與同
不是君王無識別
祇緣得土笑談中

后妃

潘貴妃

龍冠天家十二樓金蓮步步總嬌羞
可憐屠沽宮中樂博得亡齊一段愁

人臣

張緒

談元講易自精微二國翱翔巧媚時
只爲嬌柔無持操風流却比柳腰肢

周永

紛紛世代我何知
春韭秋菘味可奇
何事輕招猿鶴怨
至今人訝北山移

孔稚圭

草滿門庭隱者家
却貪祿仕醉紛華
北山不用譏猿鶴
亦有人嘲兩部蛙

梁

人君

武帝

休道君王學苦空
要知積善福無窮
二梁猶僅存遺號
八相與唐同始終

諸王

昭明太子

有德無年亦可矜
臘鵝興謗竟難明
當時雖不為天子
文選猶傳萬世名

人臣

沈約

佐梁圖禪爾開先舌斷徒勞上訢天一夢功名成底事
東陽風月自千年

江革

口求妙筆威難屈石載歸舟貧獨甘若使此風聞一世
真能立懦與廉貪

何遜

水曹文學自名家重到揚州興未涯恠底新吟清入骨

一生只為愛梅花

周興嗣

文成千字貫如珠一夜勞心白盡鬚不省海鹹河淡句
帖中已有漢章書

陶宏景

縛屋倚松志本清援圖成趣若為情預聞國政無虛日
笑殺山中宰相名

陳

人君

武帝

東南離析僅遺餘枉受汚名僭帝名輸却當年曹馬巧
不先受禪且驅除

後主

一曲庭花景未央恣恣投井事堪傷休言王氣東南盡
却是君王自趣亡

諸王

太子深

擒虎臨門事已休，獨餘孺子不驚憂。
閣中危坐能宣令，畧洗雙親入井羞。

諸臣

陰鏗

小人懷惠乃真情，酒炙能令死得生。
倘使行觴不知味，向來脩怨有羊羹。

徐陵

一代詞章世共珍
文成九錫句尤新
石麟本是梁家瑞
不瑞梁家却瑞陳

江總

結綺臨春無處尋
人皆歸罪主荒淫
誰知文體傷輕艷
狎客迎逢罪更深

魏

人君

道武珪

立儲去母豈良規創業英名顧爾為事變無窮難預料
身亡又兆國亡基

西魏

人君

孝武脩

去洛逃歡事已悲入關依泰勢尤危兩強分魏終亡魏
是為周齊受禪基

東魏

人君

孝靜帝善見

姦臣擅國佐空臨
議禪從容尚付吟
在儉不思身未保
却憐弊履與遺簪

諸臣

古弼

請田戎獵凜英風萬乘猶知畏
筆公晚節不容非老秃
世無明主曷知忠

崔浩

智謀斷國灼著龜自比留侯果是非一死人言緣史事
誰知謀泄為南歸

高允

直史稱誣是誑君事同罪異愧全身誰言矯矯無風節
大勝聲嘶股栗人

北齊

人君

文宣洋

姦謀遠襲父兄基一醉荒淫自盛衰萬古綱常俱掃地
獨於臨死未忘兒

後周

人君

孝閔帝覺

生長朱門十五春廢興無奈屬權臣當時枉作開基主
翻被虛名誤却身

人臣

庾信

故國傷心墮劫灰
流離北土却憐才
白頭開府成何事
博得江南一賦哀

熊安生

周禮宏深熟討論
鸞輿造請亦登門
雖居異壤人爭慕
縱閱千年書尚存

隋

人君

文帝

倚女專朝旋篡位因妃訴子竟戕身興亡反掌都緣色
枉作車書混一人

煬帝

萬里連雲屢築城遼東三駕重疲民諱人語盜愚何甚
覆轍真同二世秦

人臣

王通

太平十二策空陳得似河汾講道真
縷指隋唐名將相
多君交友與門人

史萬歲

征南輕仆孔明碑想見生平暴可知
一死雖因奸計陷
亦由廷辯忿招疑

牛宏

射牛可怒理都然三問何如一忍賢
底事婦言堅不聽

為憂傷我弟兄人

虞世基

沮人言盜縱君驕蒙蔽終難止
繹騷到底國亡身亦死
措心何異相秦高

李密

泥封函谷策誠奇人不能從已不疑
何事昏迷還至此
祇因天欲啓唐基

賀若弼

乃翁永訣語堪悲果定江南副所期守口未能終死舌
如何忘却刺錐時

韓擒虎

俘主推都銳莫當區區破陣却爭長不堪世上無分別
自作閻羅地下王

楊素

巧逢挾忌立功名殺父猶從罪更深已託沉浮輕大節
尚言富貴本無心

唐

人臣

宋之問

百醜祇能博寸榮
趨權恃勢苦營營
早知觸憲終歸死
何似閒吟過一生

婁師德

面乾人唾苦無剛
為國求賢慮却長
不是陰將人傑薦
誰能取日再興唐

狄仁傑

天理何曾一日亡
始終感悟為存唐
平生獨有知人鑑
身後功名付老張

侯思止

一丁不識望臺官
獬豸如何可並冠
不解觸邪翻觸正
凶頑合作虎狼看

喬知之

綠珠詩作怨方新
往事尤當監季倫
赴井已遲徒累主

真標那似墮樓人

蕪味道

萬事模稜持兩端
脂韋自飾巧求全
如何身處周唐際
黨武翻成狗一偏

張昌宗

乘鶴吹笙想俊遊
醜聞宮掖擅風流
身膏斧蹟終塵土
若比蓮花花亦羞

張柬之

八十衰翁氣尚存，揮戈一整舊乾坤。
惜哉千載多遺恨，餘燼猶存竟燎原。

武三思

羣賢逐去在朝空，宮禁潛歸掌握中。
若使當時誅不早，崇恩廟貌又興隆。

盧藏用

託隱終南得羨餘，何期觸網僅全軀。
此中佳處今休道，捷徑元來是畏途。

姚崇

天資權請性圓通相業開元治效中至死未能忘故智
乞銘猶自算燕公

宋璟

一片剛方鐵石心梅花冷淡獨知音君王外貌雖加敬
賣直誰知內忌深

蘇頲

兩相同寅喜協和此心合處直無阿廣平補袞雖良手

公與彌縫力最多

張說

東宮侍讀讀何經
相位當知要竭誠
說却陳封禪頌
非心未格侈心生

韓休

覽鑑形癯恨鮮歡
格非一事古來難
力邀強制何能久
却恐移心向宴安

潘好禮

廢王立武覆車同抗疏精忠幸見從若使荒淫終悞諫
元宗又是一高宗

盧懷慎

曹參尚守蕭何法鮑叔慚分管仲權莫笑當時呼伴食
元之秉國恐妨賢

張嘉貞

得近清光幸已深捲簾何意欲呈身貪榮自逐台衡志
詔杖三加及貴臣

張九齡

祿山必兆邊陲禍
林甫終貽廟社憂
二事眼前君不悟
何須金鑑錄千秋

杜暹

婺女初官辭贖紙
安西按口復埋金
公清勤約自互相
文墨何須較淺深

倪若冰

人重朝班惡外遷
一時榮擢似登仙
誰知鞞鼓漁陽禍

不在朝廷却在邊

元德秀

山水光中寄一枝
琴尊盡日每相隨
太平老去身何恨
只隔明年便亂離

李白

風骨神仙籍裏人
詩狂酒聖且平生
開元一遇成何事
留得千秋萬古名

杜甫

萬里飄零獨此身詩魂終戀浣花村寧貧寧凍寧餓死
一飯何曾忘至尊

賀知章

身外生涯總是虛狂遊一夢入清都有家不住猶為觀
底用區區覓鑑湖

李林甫

柄國年深巧蔽欺如何方面用胡兒只知怙寵為身計
不道漁陽亂已基

安祿山

隨人畜養寧知父負主恩私豈有君逆氣終然招逆報
可憐四海亂如雲

王維

凝碧池頭聽樂時不能身死但能悲
輞川他日成名勝
藉得朝天一首詩

顏杲卿

一曲霓裳失太平漁陽鞞鼓暗風塵
君王只識楊丞相

不識平原老守臣

僧一行

兩戒山河剖析明
歷分十二議尤精
况逢燕國為刑潤
可信千年說尚行

杜鴻漸

將相浮雲了幻軀
髡緇何事效浮圖
靈州勸進無君父
投佛還能脫罪無

李泌

衣白山人再造唐謀家議國慮深長
功成拂袖還歸去
高節依稀漢子房

郭子儀

身佩安危三十年
讒鋒雖中節彌堅
古今多少功名在
誰得如公五福全

李光弼

間關百戰佐中興
料敵行師妙若神
可惜罹讒終恨死
傷心不見白頭親

張巡

柝鼓易子守孤城六萬惟餘四百人
生道殺民民不怨
千年廟食尚如新

許遠

自度才卑樂尚賢輸忠直欲保城全
如公豈是偷生者
一死何庸較後先

雷萬春

六矢飛穿詫木人屹然不動勇無倫
極知力盡城將陷

吾亦忘吾有此身

張鎬

仗節星馳趣援兵睢陽惜已陷忠臣問邱振命雖誅死
猶有浮圖着矢人

蘓源明

滿朝比此拜邊塵偽命難污守節臣褒賞但令知制誥
如何只待作文人

李勉

指破奸邪叵測心一言剴切盡沉吟
生昏不聽終無奈付與清風一曲琴

陸贄

鋤奸抗疏反招疑一斥忠州勢亦危
只集名方無著述不為良相且良醫

陽城

裂麻已沮延齡相抗疏能全陸贄生
為國重輕關一語誰云七載噤無聲

張萬福

伏閣朝廷一諫官
白頭武將亦歡顏
要知此喜非私喜
為救孤忠去巨奸

陸羽

野客耽茶著作經
一時評品亦良精
誰知茗飲成風後
從此朝廷權法行

章舉

撫邊年久賦徭寬
善政春秋俗自安
蜀道雖危今坦易

登天不比向時難

孔巢父

力仗孤忠化積頑，奉辭竟不遣生還。
何如入海隨烟霧，自有詩留天地間。

劉禹錫

取水楓林莫怨嗟，鐘聲繞聽又天涯。
如何一斥終難反，為賦元都觀裏花。

柳宗元

自負奇才却附人，任文一跌誤終身。
聰明未易消磨盡，猶作羅池廟裏神。

裴度

功名久震平淮後，機務方閑罷相餘。
晚節□□非失計，一園花竹午橋居。

李愬

雪夜平吳自一奇，功成猶守分尊卑。
□□道左躬迎帥，此禮藩方久不知。

柳公綽

姦吏多從貪吏生舞文非重賄非輕欺公觸口非無為
不受私賕不肯行

韓愈

排斥異端尊孔孟推原人性勝荀楊平生膽氣尤奇偉
何止文章日月光

李翱

幽懷賦好歐公賞實錄文高黃子稱復性一書幾有道

千年真可續韓燈

張籍

師門昔已稱高弟樂府今尤說最工但遣終身毋叛道
著書不必似軻雄

皇甫湜

授業韓門歲月深文章有法筆千鈞三縑一字非邀價
賞識如裴復幾人

盧仝

數間破屋洛城傍，門閉春風煮茗香。
月蝕一詩譏逆黨，添丁竒禍竟堪傷。

孟郊

自古詩人例怨窮，不知窮正坐詩工。
先生吟苦身尤蹇，恰似霜堦訴候蟲。

賈島

早棄浮屠學綴文，爭知命薄第難登。
行吟月下敲門句，氣味依然不脫僧。

李漢

官雖御史未為榮
一序韓編萬古名
不是文翁能有眼
誰知佳婿在諸生

溫造

威行藩將來朝覲
膽落金吾畏擊彈
牛刀恢恢方用世
青山雖好去應難

李紳

手書不受叛臣污
推抑多端只故吾
已喜生前能自保

却憐身後尚遭誣

元稹

元和詩體夙馳聲
巧致公台只楚榮
綠野主人天下望
不應疎外負平生

元結

漫勞當日牧春陵
立石尤多感德民
獨有磨崖碑故在
文章千古耀湘濱

啖助

夏詩集下
三十一
談經唐世豈無人君獨春秋學最深力辯邱明非左氏
後來朱子始知音

張志和

細雨斜風一釣絲綠蓑青笠鎮相隨朝廷休覓漁歌者
萬頃千波總是詩

嚴武

蜀政貪殘豈自全母心直向死方安如何三度專方面
不博庭闈一餉歡

崔祐甫

道德馳聲滿建中豈無人可繼餘風最憐貞觀開元治
付與奸邪蕞陋翁

史詠詩集下終

徐見心先生史詠後序

見心先生世秉周禮而留意於舊史睹前代遺事而形諸賦咏自周季訖於五代興通鑑相為終始陳其善惡風刺昭示法戒而無遺焉爾先生之志亦可謂厚矣抑樞聞之觀於史者必本諸經經者所以權衡萬理事為之表者也不本諸經而徒觀於史其於善惡得失又將安所取衷哉先儒謂善觀史者若能吏之治獄傳猶成案經猶律令也先以成案處議而以律法決之則十不

失其一矣今先生既留意於史而能一本於經宜其事
理粲然目擊而脩若獲人之為涂郢人之為斲同工並
用無有不合者矣使昧者為之則事理喧拏是非眩駑
外之多敵而中焉乏守政復五行俱下萬言成誦罄往
古之遺蹤窮竹帛之紀載祇足以備游談資末議其於
脩已治人之道蓋枵然而已爾先生諱鈞字秉國蘭谿
人樞之從舅父也以大父宋汀州使君任為濠州定遠
縣尉國除遂不仕家故多書以經籍文史自娛同郡仁

山金先生與先生有雅故晚延致之以教授諸子且朝夕惕厲明脩己治人之道時其暇豫作為賦咏以道前代得失凡若干篇先生既歿其子津請金華許先生序所以作詩之故既備既美矣久之復以示樞俾申述焉樞義不得讓遂衍其說以釋其義先生之孫機有志於學者也予懼其徒觀於史而不本諸經廼諄復先志以申勸厥衷庶克紹家學以世濟其美始於為已推以蒞人無往而不合者也則是詩之作豈獨以事淹詠資論

辨而已哉

元至正五年乙酉夏四月癸卯從甥東陽張樞敬序

徐見心先生史詠後序

孟子曰王者之迹熄而詩亡詩亡然後春秋作蓋古者
盛時之為詩薦於郊廟則有以見其盛德陳於朝廷則
有以知其政之興廢施於邦國鄉人則正於上而被於
下者又有以為教及其衰也先王之政教號令雖不行
而流風遺俗有未盡泯是以風雅之變徃徃陳古以刺
今至於王澤竭盡而無餘其詩始不足以使人創艾而
興起故曰詩亡聖人不得已因魯史作春秋褒善貶惡

以示勸戒是則詩已亡而其可使人創艾興起者賴春秋而猶存也後之君子有作其文則史其義則於春秋無取焉仁人志士覽其事而有慨於心莫不為之發憤抑鬱嗟嘆而咏歌之然或因一人或因一事以為言若王仲宣曹子建之於三良張景暘之於二疏謝宣遠之於張子房盧子陽之於霍將軍是已惟左太冲所賦頗及戰國秦漢事未有窮搜極討上下古今備究其得失而無遺者唐之詩人間有興懷陳跡章聯句續至於累

百而止顧其言多卑近徒以資兒童之口耳於名教何
預乎金華蘭谿徐章林先生夙有聞家庭所傳先儒道
德性命之說而猶精於史學凡司馬氏資治通鑑所記
君臣事實可以寓褒貶而存勸戒者人為一詩摠一千
五百三十首命之曰史詠其大義炳然一本乎聖經之
旨誠有功於名教者也春秋作於詩之既亡而詩之能
使人創艾興起者乃復見於春秋絕筆千百年之後豈
非先生性情之正有不亡者存詩與春秋固可迭相為

用乎先生歿已久仲子津始出其詩求許先生謙張君
柅為序以俾其不朽謂潛復為後序潛竊觀先師朱子
感興之作挈提前史之要領為言至約而有關於名教
甚大朱子嘗謂學不可太博而亦不可徑約今於學者
不申先生之博何以入朱子之約乎是用志諸末簡以
諗於同志其亦以為然否先生諱鈞字東國號見心其
父兄師友源流之懿見於前序者此不具時

元至正六年秋八月十日後學黃潛拜序

夫典謨訓誥古先聖王載事之書明善惡示監戒也周
衰列國縱橫而亦莫不各有紀事之籍孔子因魯史而
作春秋託二百四十二年南面之權亂臣賊子有所畏
而不敢肆是則春秋之作殆又嚴於紀事之籍矣下逮
漢唐歷代之史褒貶去取世不乏人若班馬之傳記習
鑿齒之春秋皆以直筆記事未嘗有阿私畏避之辭然
論其實者不計其辭之詳正其非者必究其情之實後
之觀史者欲由博而知約孰若自約而盡博此先君之

史詠所以作也若夫善善惡惡抑揚予奪世道升降人
事盛衰觀夫詩則知過半矣先君世習周禮博覽經史
與仁山金先生相友善講論理義之暇慨然有志於史
詠原心論迹分類立名上自威烈下至五代明君賢相
之治平亂臣賊子之僭竊莫不聲其功罪鳴其正邪截
然若刀鋸之裁割權度之稱量而二十八字之中凜乎
其可畏使後人歌是詩而知其事咏其辭而得其實垂
戒之意殆與春秋筆削之義相表裏偉哉是詩也津勿

失所怙汨於事為而未及毀梓白雲許先生晉卿黃先生外兄張子長為序諸前後以贊是詩之羨嗚呼史詠之傳豈惟先君有以行其志而前人之善惡昭著後人之敬畏常存豈小補哉後之觀詩者亦必有以自警云

時

元至正戊子春二月一日男津敬書